



皇朝文略卷之六

村上天皇諱成明醍醐帝第十四子朱雀帝同母弟也
水府史臣青山延于著
延光校

天慶七年立為皇太弟至是受禪即位○天曆元年春

二月鎮守府將軍平貞盛奏賊坂麻呂作亂官符亂察

其狀○夏四月以右大臣藤原實賴為左大臣大納言

藤原師輔為右大臣○二年春三月京師盜賊橫行入

右近衛府曹司○冬十二月以盜數入禁內使諸衛巡

夜○三年秋八月關白太政大臣忠平薨贈正一位謚

貞信日本紀略忠平寬厚慈愛及薨朝野惋惜榮花物語與兄時

平仲平竝登要職一門烜赫時人謂之三平大鏡初醍醐

帝召相工於宮中相文獻太子及左右大臣相工視太

子曰容貌過美視時平曰智數過多視道真曰才能過

高皆非全福之人時忠平在下坐相工指之曰神識才

貌靡不協吉保榮貴者其惟斯人乎古事談其後二子實

賴師輔為左右大臣父子同時並列三台榮貴顯達世

無與比榮花物語忠平嘗與管原道真善及其所貶問遺不

絕不以兄故生嫌其性夷曠如此愚管抄○九月陽成上

皇崩壽八十一略紀初上皇遜位極意縱肆常與群少十

數人執弓矢遊獵山野或微行入閭里劫奪厩馬鞭逐

主人嘗入左大臣源融別業破壞其牆垣而去又嘗捕

一女子以琴絃縛之置于水中以為笑樂無賴之徒因

緣為奸惡民間厭苦之扶桑略記○四年秋七月立皇子憲

平親王為皇太子略記○冬十月置殘菊節先是以

醍醐帝忌月廢九月九日節至是置殘菊節以準重陽

西宮記年中行事○五年冬十月置和歌所以左近衛少將藤

原伊尹為別當八雲御抄○六年春三月以越前國司奏請

罷追捕押領等使朝野群載○秋八月太上皇崩年三十略記

愚管抄○八年秋七月敕大內記管原文時等上封事言

闕政文時條陳三事禁奢侈停賣官懷遠人言甚剴切本朝文粹文時道真之孫也系圖博洽能文一日內宴命群臣

賦詩帝作先成頗自負及文時詩成帝以為絕唱因命

文時評其優劣文時曰聖製固優帝強問文時曰臣作

實上聖製一等乃逃帝益歎賞江談抄

外史氏曰帝王之學本諸躬行而摛諸國家此教化

之所以行而治道之所以盛也後世帝王徒事文辭

之末技而脩身正心之學置而不講此教化之所以

不行而治道之所以衰也帝以英邁之資留意文

學其施設亦有可觀者然其所好不出於締章繪句

風雲月露之外至乃與文人才子競優劣較短長其

累帝德也不亦大哉

○十年秋七月詔以炎旱減服御常膳錄冤枉賑鰥寡

免五畿七道逋負粹文○天德元年秋七月吳越持禮使

盛德言來○二年春三月鑄乾元大寶錢○夏四月雨

雪雹寒如冬○秋閏七月有狂女食人世謂女鬼○三

年冬十二月栽橘於紫宸殿略紀○四年春三月御清涼

殿鬪歌謂之歌合禁中歌合始此天德歌合記○夏五月右

大臣藤原師輔罷尋薨○秋八月以大納言藤原顯忠

為右大臣紀略顯忠時平之子也公卿補任性尚節儉第宅器

用極朴素盥漱不用盤自執杓灌洗雖為大臣出無前
 驅騶從甚少初時平諸子皆蚤世人以為管靈之崇顯
 忠深畏懼每夜拜于庭祈免難兄弟中惟顯忠官位顯
 達立朝最久人皆以為其畏慎所致大鏡十訓抄古事談○九月
 禁中火温明殿神鏡及太刀節刀契印宜陽殿累代寶
 器春興安福二殿戎器內記所文書仁壽殿大乙式盤
 盡焚遷都以後至此百七十年始有此災帝避之神嘉
 殿又遷職曹司召左大臣藤原實賴親諭之曰朕以不
 德久居尊位遭此災殃憂歎何已敕索神鏡獲之灰燼
 中形質不損權奉安縫殿寮記略○應和元年春三月親

試文章生○三年冬閏十二月給獎學院年官準勸學
 院○康保元年夏五月皇后藤原氏崩紀略皇后師輔之
 女也初皇后妹登子適帝兄重明親王以中宮故出入
 宮中登子有姿色帝見悅之遂私焉及皇后崩登子亦
 娶居帝召寵幸大鏡頗至廢政左大臣實賴聞而歎曰帝
 德足垂後世而以此累之惜哉榮花物語○冬十一月敕以
 學館院為大學寮別曹紀略是歲栽櫻樹於紫宸殿初遷
 都之時桓武帝栽以梅樹至承和中而枯仁明帝再植
 梅樹天德中罹災至是植以櫻樹禁秘抄古事談○二年夏四
 月右大臣兼左近衛大將藤原顯忠薨○冬十月兵庫

火累代戎器盡焚○三年春正月以大納言源高明為

右大臣紀略高明醍醐皇子延喜中賜姓補任○冬十一月

彗星見西方一代要記○四年夏五月帝崩壽四十二葬葛

野郡村上山陵紀略帝性明敏留意政事寬裕温恕恩無

偏倚榮花物語留意源延光為藏人頭時帝甚任用之

一日延光侍側眷遇頗衰延光懼不朝帝俄召之曰一

學生藤原雅材者甚有文才卿何以不奏延光惶懼遽

奏雅材為藏人其好學愛才如此十訓抄嘗問侍臣曰外

議以朕為如何主曰天下皆稱寬帝曰是誠朕志也理

下以嚴民必難堪矣太鏡一日召賤吏老者密問曰當今

與延喜之時得失如何吏曰無異帝切問再三吏曰賤

愚下吏何知唯覺主殿寮多費燎燭率分堂生草耳盖

謂劇務至夜租入少輸也帝悟自是益加勉勵著聞集後

世言治者必稱延喜天曆云大鏡在位二十一年改元者

四曰天曆天德應和康保皇太子立是為冷泉天皇

冷泉天皇諱憲平村上帝第二子也母中宮藤原氏天

曆四年立為皇太子至是踐祚○六月以左大臣藤原

實賴為關白○秋七月始頒延喜式○九月立皇弟守

平親王為皇太弟日本紀略初帝在東宮多病村上帝憂之

欲立為平親王為嗣然以其婚源氏憚藤原氏而不果

立^{大鏡}及將崩謂左大臣藤原實賴曰朕欲立為平然勢不得立卿意必在守平也至是實賴遂援立之^{榮花物語}

外史氏曰甚矣外戚之盛也為平帝之所鍾愛而

圓融之兄也兄弟之序互立而藤原實賴以其婚

源氏忌之遂立圓融帝以帝之英明尚為權戚

所掣肘况庸昏之主欲不為之所制豈可得乎

○冬十月行即位禮於紫宸殿以疾故不御大極殿^{略紀}

^{古事談}即位用紫宸始此^{百鍊抄}○十二月以關白實賴為

太政大臣職仍舊右大臣源高明為左大臣大納言藤

原師尹為右大臣^{略紀}師尹實賴之弟也^{大鏡}○安和元年

秋八月詔以村上帝忌月廢五月五日節

外史氏曰禮曰君子有終身之喪忌日之謂也忌日

不用非不祥也言夫日志有所至而不敢盡其私也

故忌日廢朝徹樂所以重追遠慎終之意也未聞以

忌月廢朝者自孝謙帝以聖武帝忌月廢端午

節淳和帝又以太后忌月廢之村上帝又以

醍醐帝忌月廢重陽節帝又以村上帝忌月廢

端午節夫文武帝始置七節以為行禮講武之日

非若蹈歌曲宴一時遊戲之比不^宜以忌月廢之而

歷世因循不革此失禮之大者也

○二年春三月左馬助源滿仲前武藏介藤原善時告中務少輔橘繁延等謀反貶左大臣兼左近衛大將源高明為太宰權帥以右大臣藤原師尹為左大臣大納言藤原在衡為右大臣略紀初繁延與前相模介藤原千晴僧蓮茂等謀奉為平親王作亂滿仲亦與其謀既而以有憾于繁延遂與善時上變告之親王妃高明女也師尹欲因事排陷代其位故使滿仲等誣奏之遂為所源平盛衰記搆源平盛衰記救搜捕其黨流繁延於土佐千晴於隱岐僧蓮茂於佐渡略紀○高明之被謫也在衡聞而歎惜家臣慶曰大臣有闕次當在公在衡大怒逐其臣續古事談○秋

八月帝傳位皇太弟略紀帝自為儲貳患心疾及即位增劇榮花物語由是政歸外戚朝綱不振國家之衰自此始矣大鏡在位三年改元者一曰安和皇太弟立是為圓融天皇

圓融天皇諱守平村上帝第五子冷泉帝母弟也冷泉帝踐祚立為皇太弟至是受禪時年十一詔太政大臣實賴攝政立皇姪師貞親王為皇太子○冬十月左大臣兼皇太子傅左近衛大將藤原師尹薨○天祿元年春正月以右大臣藤原在衡為左大臣大納言藤原伊尹為右大臣略紀伊尹師輔之子也尊卑分脈○夏五月攝政

太政大臣實賴薨贈正一位謚清慎○以右大臣藤原
 伊尹攝政○冬十月左大臣藤原在衡薨紀略在衡中納
 言山蔭之孫僧如無之子也公卿補任初山蔭赴筑紫見漁
 者捕龜將殺之憫而買之放去後挈妻子浮海妻惡其
 兒非己所生竊與乳母謀佯為失手墜之海俄而有一
 大龜負之而出兒即如無也十訓抄至在衡起文章生遂
 登台司系圖在衡在職以恪勤稱一日風雨甚衛士相謂
 今日在衡恐不可參言未畢蓑笠乃至在衡每朝車中
 覽書及入承願問必其書中事也故才學雖不過人應
 對明詳常為帝所稱十訓抄○冬十月召還太宰權帥源

高明○十一月以攝政伊尹為太政大臣職仍舊大納
 言源兼明為左大臣權大納言藤原賴忠為右大臣紀略
 兼明醍醐皇子紹運錄賴忠實賴之子也尊卑分脈○三年冬
 十月太政大臣伊尹罷攝政紀略詔權中納言藤原兼通
 參決庶務兼通伊尹之弟也補任○十一月太政大臣伊
 尹薨贈正一位謚謙德世稱一條攝政紀略伊尹性
 好豪華嘗至大饗日視寢內壁差陳俄以陸奧紙糊之
 師輔嘗遺誠子孫以節儉伊尹不能遵守時論譏焉然
 其定終制一從儉薄大鏡○以權中納言藤原兼通為內
 大臣紀略初村上帝時兼通請中宮令手書曰後來攝關

有闕宜_下以兄弟次第相及時弟兼家夙顯達至大納言
 兼右近衛大將而兼通淹滯以是缺望屢廢朝參帝亦
 待之稍薄及兄伊尹薨兼通以中宮手書呈帝帝視母
 后手跡愴然有戚容輒難違之遂有此命由是兼家與
 兼通有隙鏡大○天延元年夏四月盜火前越前守源滿
 仲家延燒數百家召材武者護衛禁內○二年春二月
 以內大臣藤原兼通為太政大臣○三月以兼通為關
 白○三年秋八月先是彗星見東北宮中屢有怪異至
 是詔公卿已下各上封事○貞元元年夏四月地大震
 ○五月禁內火帝遷御職曹司○六月詔減服御常膳

蠲諸國天祿三年以前逋負免天下徭半紀略○京師及
 近江地大震宮城官舍佛寺多壞壓死者甚多紀略百鍊
 抄帝出南庭避之周幄為御座○秋七月微雪○帝遷
 自職曹司御關白兼通堀河第自六月至七月地數震
 ○九月地大震○二年春二月地大震○夏四月以左
 大臣兼皇太子傳源兼明右兵衛督源昭平為親王紀略
 時關白兼通專政欲以從兄賴忠為左大臣誣奏兼明
 有疾策為親王任中務卿陽示尊之實奪之權兼明甚
 不平之榮花物語兼明將卜隱居於龜山又為兼通所沮乃
 作菟裘賦以譏焉文粹○以右大臣藤原賴忠為左大臣

大納言源雅信為右大臣略紀雅信敦實親王之子也補任

○秋七月徙御新宮○冬十月太政大臣兼通罷關白

以左大臣藤原賴忠為關白○十一月太政大臣兼通

薨贈正一位謚忠義略紀初兼通長女煌子為女御既而

立為皇后時兼家長女超子為上皇女御又欲使次女

詮子侍帝兼通忿然曰我女既為中宮而彼又欲進其

女乎由是嫌隙滋甚及超子生皇子兼通益不悅白帝

曰兼家奉院皇子僥倖非冀恐不利於陛下宜先事擯

斥之右大臣藤原賴忠與兼通善兼通欲薦之今代已

乃使源兼明解職以賴忠任之榮花物語及病革門者通云

公弟大將來扶起而待兼家過其門而不入直朝參兼

通大怒力疾詣朝時兼家以為兼通已死欲速奏代之

既在上前見兼通愕避兼通聲色甚惡乃奏曰臣今將

終願一行除目請以賴忠為關白奪兼家官以從弟濟

時代之奏畢便歸第而薨大鏡○天元元年冬十月以關

白賴忠為太政大臣職仍舊右大臣源雅信為左大臣

大納言藤原兼家為右大臣○二年春三月謁石清水

宮略紀石清水行幸始此一代要記○三年冬十月禁內

火殿舍盡焚帝避之中院徙御職曹司紀略詔減服御

常膳免五畿七道諸國調庸逋負及天下徭半○四年

秋七月徙御新宮略紀○五年春二月京師多盜放火劫

入先是海賊大起調庸路梗至是滋熾劫掠行旅小右記

○冬十一月禁內火徙御職曹司○永觀元年春二月

捕京畿私帶弓箭兵仗者案之○二年夏五月制非職

帶兵者罪當杖○秋八月帝傳位於皇太子略紀帝末年

紀綱大紊至盜賊橫行放火禁內朝士入宮為盜在位

十六年改元者五曰天祿天延貞元天元永觀皇太子

立是為華山天皇紀略紀綱大

華山天皇諱師貞冷泉帝長子也母贈皇太后藤原氏

安和二年立為皇太子至是受禪徙御新宮○立圓融

帝皇子懷仁親王為皇太子日本略○冬十二月詔曰木

從繩則正后從諫則聖夫人主者以納敢諫為先人臣

者以進讜言為任廣德之戒樓船終就其安朱雲之折

殿楹永令無理國之將興也上下聚唇國之將廢也道

路以自至如忘家為國面折尸諫者是朕之願也叔向

有言大臣重祿不諫小臣畏罪不言下情不上通此患

之大者也靜而思之誠哉斯言至令公卿大夫及京官

諸國五位已上秀才明經課試及第名為儒士者各上

封事匡朕不逮文粹

外史氏曰英傑之主廣求讜言務決壅蔽故言路日

開賢才日進昏庸之主聰明自恃惡聞其過故言路
 日塞姦邪日進此治亂之所由分也 冷泉以後皇
 室陵遲政歸后族天子唯垂拱仰成而已自非英傑
 之主不能剛決果斷抑其權勢而收其威柄 華山
 踐祚初首求讜言庶幾有為然是時權戚伺間逞其
 欺詐副明之主猶莫能為况於庸主乎求言之詔竟
 為文具惜哉

圓融末年朝政廢弛紀綱紊亂及帝即位參議藤原義
 懷與左中辨藤原惟成協心輔政紀綱頗張大鏡江義
 懷伊尹之子也鏡大○寬和元年春正月左兵衛尉藤原

齊明傷彈正大弼大江匡衡而止官符諸國捕之記小右

○夏四月有大蟹上承香殿○五月誅藤原齊明○冬

十一月行大嘗祭於大極殿以豐樂院壞也○二年六

月帝遜位入華山寺落髮為僧略紀初帝即位藤原義懷

以外舅之親干預朝政藤原兼家疾之欲今帝早讓位

其子道兼探知其意多方為計時道兼為左少辨親近

左右會帝寵姬悻子止帝悼念不已頗有厭棄塵累之

心道兼與僧嚴久閑說佛經勸去位曰陛下第早捨身

臣亦奉從帝遂決意至是夜與道兼潛出宮時月色方

明帝少猶豫道兼趣曰劍璽已奉東宮事不可復止既

而有雲翳月帝曰我願成乃至華山元慶寺落髮義懷
 惟成追至行在披剃為僧道兼給帝曰已奉聖約暫歸
 辭父母乃去不來帝始悟為其所賣大鏡榮花物語 愚管抄十訓抄○
 帝之遜位也夜潛出宮雖妃嬪不之知路過天文博士
 安部晴明宅其夜晴明避暑庭中仰見天象忽拍手獨
 駭曰天象有變天子避位何哉帝行聞而走晴明便入
 奏急變於是宮中始知帝不在大鏡元亨釋書晴明大膳大夫
 益材之子尊卑分脈學陰陽推算之術於賀茂忠行善天文
 雜占奇中如神今昔物語帝性有巧思宮室器翫創意出奇
 鏡大又好和歌親撰拾遺集八雲御抄

外史氏曰自古人君留意書畫翫好未有不亡國敗
 家者也宋徽宗之好書畫元順帝之製作器翫叔意
 出奇可謂才藝絕倫而至社稷顛覆國家為墟莫之
 悟也帝天資絕巧才調有餘而不知為姦邪所賣
 書曰翫物喪志蓋帝之捨身雖惑溺使然亦由喪
 志故也可不戒哉

在位三年改元者一曰寬和皇太子立是為一條天皇
 一條天皇諱懷仁圓融帝子也母女御藤原氏永觀二
 年立為皇太子至是踐祚年七歲右大臣藤原兼家攝
 政○秋七月尊所生藤原氏曰皇太后○立華山帝弟

居貞親王為皇太子○攝政兼家罷右大臣以大納言

藤原為光為右大臣紀略罷右大臣補任為光兼家之弟也尊卑分脈

○永延元年春二月僧裔然還自宋獻印本一切經桑扶

略裔然東大寺僧永觀二年如宋元亨釋書獻職員令年代

記各一卷太宗召見存撫甚厚賜紫衣館于太平興國

寺太宗聞我皇系一姓傳繼臣下皆世官因謂宰相曰

日本國祚遐久其臣亦繼襲不絕蓋古之道也我國自

唐季之亂寓縣分裂梁周五代享歷尤促大臣世胄鮮

能嗣續可嘆也宋史文獻通考○三月定新制十三條○夏五

月申定新制五條○秋七月以亢旱詔公卿上封事○

九月一品中務卿兼明親王薨紀略親王天資豪邁博

學多才賦屬文兼工書名冠當時為柄臣所忌不得展

其志怏怏不樂本朝文粹至是薨世稱中書王尊卑分脈○永祚

元年春二月以權大納言藤原道隆為內大臣紀略道隆

兼家之子也公卿補任○三月幸春日社春日行幸始此紀略

西宮記○夏六月太政大臣賴忠薨贈正一位謚廉義紀略

○秋八月辛亥三日並見百鍊抄○冬十二月以攝政兼

家為太政大臣職仍舊○正曆元年夏五月兼家罷攝

政為關白尋罷以內大臣藤原道隆為關白尋攝政○

秋七月前關白太政大臣兼家薨紀略以剃髮不賜謚初

圓融帝時關白兼通讓其職於賴忠責授兼家治部卿
兼家以非罪貶斥怏怏不樂鏡大賴忠憐其沉滯為奏拜
右大臣既而其女詮子入宮有寵生帝及華山帝立以
帝為儲貳兼家以為當任關白而賴忠在職意甚不平
家居不出其子道兼設計使華山帝去位帝遂即位榮花
物語愚於是兼家大得志得專朝政晚年窮極奢侈營
居室於東三條第制作摸清涼殿其奢侈如此論者譏
焉大鏡○二年春二月圓融法皇崩壽三十三○秋七月
攝政道隆罷內大臣○九月以右大臣藤原為光為太
政大臣大納言源重信為右大臣權大納言藤原道兼

為內大臣略紀重信敦實親王之子也分脈○三年夏六月
太政大臣為光薨贈正一位謚恒德略紀世稱鷹司分脈○
冬十一月從五位下源忠良討阿波海賊俘獲頗多○
四年夏四月攝政道隆為關白○五月詔贈故右大臣
菅原道真左大臣正一位○秋七月左大臣兼皇太子
傅源雅信薨尋薨○冬閏十月再贈菅原道真太政大
臣紀略按略記為○五年春二月盜火後涼殿百鍊抄又
火弘徽殿飛香舍○三月分差武士索盜○秋八月以
右大臣源重信為左大臣內大臣藤原道兼為右大臣
權大納言藤原伊周為內大臣略紀伊周道隆之子分脈○

皇明史略 卷六 一五

長德元年夏四月關白道隆罷尋薨補任世稱二條分○

以右大臣藤原道兼為關白○五月關白道兼左大臣

源重信並薨紀略道兼在職僅七日世曰七日關白稱粟

田道兼常謂吾有功於父關白非吾而誰及道隆襲職

道兼甚望之故居父喪無戚容會賓客遊戲時人醜焉

榮花物語○救權大納言藤原道長內覽太政官文書○六

月以權大納言藤原道長為右大臣紀略道長兼家之子

也為人豪邁有才略兼家常敬羨族子公任為人激勵

諸子曰吾兒不及遠甚諸兄自揆不如默而不答道長

獨對曰小子固不能蹈影恐終蹈其面而已少時嘗與

兄道隆道兼侍華山帝時夜雨甚闇帝欲試三人量謂

之曰誰冒此闇夜能至無入處邪道長曰臣可往乃分

命三人曰道隆往豐樂院道兼仁壽殿道長大極殿

時己三更二兄畏縮殊甚道長從容白帝曰臣今獨往

當以何為證帝乃於巾箱中出小剪刀授之既而二兄

皆股栗不得前而還少選道長徐還即以一木梯為證

曰此是臣所削取大極殿南面下柱木梯也帝遣人驗

之果然帝大感賞大鏡兼家之薨及葬眾遽騷擾道兼惶

懼失色道長年最少神色自若徐曰僕已遣人問之無

它但馬驚佚耳時源賴光在坐退歎曰此人已有將帥

之量著聞集道長善射御工詩歌初飯室有善相者見道

長曰斯人有奇表如虎度山貴不可言後果如其言大鏡

賴光滿仲之子也尊卑分脈○二年夏四月貶內大臣藤原

伊周為大宰權帥伊周弟權中納言隆家為出雲權守

紀略初道隆疾篤不能視事因請令伊周攝省中事及道

隆薨自謂已必代其職而以叔父道兼在己上忌之令

外祖高階成忠咒詛既而道兼為關白伊周慚忿未幾

道兼薨伊周喜以為己必代之及道長為內覽伊周大

失望時為光二女娶居鷹司第伊周通其姊華山法皇

亦聞其妹美屢往窺之伊周以為通其姊以告弟隆家

隆家乃率輕俠數人夜覘法皇歸自鷹司欲發矢怖之

誤中御衣事喧傳京師帝雖粗聞知為法皇耻之不驟

推問會伊周修太元法呪詛東三條太后故事太元法

非官不得修事發覺帝震怒至是遣檢非違使左衛門

尉平惟時肥前前司源賴光等收之遂處竄謫榮花物語○

秋七月以右大臣藤原道長為左大臣大納言藤原顯

光為右大臣紀略顯光兼通之子也補任○閏月鴨河溢大

風壞廬舍紀略○三年春三月召還藤原伊周藤原隆家

補任大鏡裏書○夏六月高麗獻書廷議不報嚴警邊備百鍊抄

○秋七月以大納言藤原公季為內大臣紀略公季師輔

之子也分脈○冬十月太宰府言高麗劫掠邊陲○十二月太宰府言獲高麗賊三十餘人百鍊抄○四年秋九月太宰府言海島人捕獲高麗賊○冬十二月盜入宣耀殿○長保元年夏四月禁內火帝徙御一條大宮院略紀○冬十二月先是散位平致賴與前下野守平維衡構兵而戰藤原致忠殺前相模守橘輔政子至是流致賴於隱岐維衡於淡路致忠於佐渡紀略小右記今昔物語○二年春正月立女御藤原彰子為中宮略紀彰子道長之女也大鏡時道長威勢翕赫大江以言嘗作詩譏之有云鹿馬應迷二世情道長銜之爾後帝欲擢以言道長沮之曰

斯人即作鹿馬惑二世詩者也帝乃止古事談○冬十月徙御新宮○三年冬十一月禁內火帝避之職曹司略紀○四年冬十二月始置內侍所神樂一代要記年中行事○五年夏五月京師大水○冬十月徙御新宮○寬弘二年春二月以從二位藤原伊周班大臣下納言上○盜殺大藏大輔平孝信略紀○秋七月親試學生於弓場殿以中第者直御書所紀略抄百○冬十一月以藤原伊周參預朝政小右記補任○禁內火神鏡大刀契焚帝避之神嘉殿遷御大政官朝所又遷御東三條第紀略抄百○十二月遣參議藤原行成於伊勢奉宸筆宣命告神鏡罹災

略紀 宸華宣命始此著聞行成伊尹之孫也分脈性質直多

才藝最妙書法世與兼明親王藤原佐理並稱為三蹟

古事談江談抄初藏人頭源俊賢遷參議帝問曰誰可代卿者

俊賢以行成對帝曰階級尚卑難遽超擢俊賢曰行成

才能過人足職獻納何以資望之淺沮其登庸夫君人

者在務知人知人則賢者益進小人自退否則政事不

能無愆失惟陛下察焉帝從之大鏡○三年春三月遷御

一條院略紀○夏四月客星見南方抄百鍊○五月修仁王

百講於大極殿讀經大内七日法成寺攝政記○秋七月召公

卿議改鑄神鏡有蛇上殿走向神鏡所在因罷改鑄略紀

抄百鍊 ○四年夏六月有大流星 ○秋七月修仁王會禳

星變法成寺攝政記

外史氏曰災異者天之所以警戒人君古之明君莫

不恐懼修省以答天譴故災異自消而君德加修焉

堯以洪水而聖湯以大旱而王大戊以桑穀而昌高

宗以响雉而興後世人君不知責諸身反諸己祈禳

禱禮以冀苟免所以天變頻見而君德愈亂也 帝

之在位也三日並見大風洪水無歲無之四罹祝融

至神鏡成灰天地之變孰有大於此者乎當是之時

后族專政勢過人主而天之丁寧告戒如此然而未

嘗聞有修省之事但付諸釋氏之讀經而已其侮天
戒不亦甚哉嗚呼神鏡焚而帝祚衰寶劍沈而王室
傾陵夷之漸職此之由可不哀哉可不畏哉

○五年春正月以藤原伊周準大臣○二月華山法皇

崩壽四十一略紀法皇常居元慶寺持律精嚴後稍近女

色志操遂變榮花物語○秋八月僧寂照如宋略記寂照初名

定基大江齊光之子也少善詩文續往生傳仕至參河守一

日削髮為僧至是如宋略記宋主延見問本朝事寂照

請紙筆以對獻所齋佛像宋主大悅賜紫衣束帛館於

上寺元亨釋書賜號圓通大師宋史三司使丁謂遇之甚渥及

智禮答釋成寂照將持而歸謂欲留之盛言姑蘇山水

之美寂照遂留于吳門寺使人送答釋於源信元亨釋書謂

乃分月俸給之後言語稍通戒律精至三吳道俗多歸

向者嘗以黑金水瓶贈謂并詩曰提携三五載日用不

曾離曉井斟殘月春爐釋夜嘶鄙銀難免後萊石易成

虧此器堅還寶寄君應可知知談苑又善書迹字體婉美有

二王之風為揚億所賞云王氏談錄○六年春二月停藤原

伊周朝參略紀初伊周妹定子入宮立為皇后生敦康親

王伊周常謂親王必登青闈及中宮生敦成親王大失

望時會流言伊周與高階明順咒詛敦成道長召明順

責之明順憂死至是伊周坐逝停朝參榮花物語○夏六月

聽伊周朝參○秋七月二品中務卿具平親王薨略紀

王村上皇子幼英敏才藝絕人榮花物語尤工詩歌大鏡世與

兼明親王並稱呼曰後中書王皇胤紹運錄○按談苑

與書寂昭末書寬弘四年九月章州最妙中土善書亦

鮮及若愚即具平親王也世人誤為兼明親王兼明永

其為具平也大江匡房嘗曰古今能繼父業者惟都在

中菅原淳茂菅原輔昭與親王而已其餘不足論也江談

抄○冬十月一條院火延喜天曆御記累朝寶器盡焚

帝徙御左大臣藤原道長批杷第○七年春正月準大

臣藤原伊周薨○秋七月大雨洪水○冬十一月一條

院成徙御焉○八年夏六月帝不豫傳位於皇太子略紀

帝慈仁愛民冬夜嘗脫御衣中宮異而問之帝曰方今

天寒天下窮民必有寒者朕豈忍獨重襲哉古事談帝臨

御日久一時人才輩出續往生傳源經信藤原公任源俊賢

藤原行成以才藝稱世稱四納言而當時閨閣之秀有

紫式部清少納言赤染衛門和泉式部伊勢大輔之流

清少納言清原元輔之女也有才學十訓抄給事後宮甚

見眷遇皇后雪後碩左右曰香爐峯雪如何少納言即

起捲簾人稱其敏捷十訓抄帝每曰朕之不德

唯得人一事庶不愧延喜天曆之世十訓抄然遭道長專

皇朝通志 卷六

權政不出己意雖惡之不能制焉古事談在位二十六年

改元者六曰永延永祚正曆長德長保寬弘皇太子立

是為三條天皇紀略

三條天皇諱居貞冷泉帝第二子也母贈皇太后藤原

氏寬仁二年立為皇太子至是受禪立一條帝第二子

敦成親王為皇太子日本紀略初一條帝之禪位也欲以敦

康親王為帝儲貳然以其舅伊周已死無戚族之援遂

立二宮大鏡榮花物語○一條法皇崩年三十二秋八月自東

三條第徙御禁中○詔左大臣藤原道長知大政官文

書○冬十月冷泉上皇崩壽六十一○長和元年春二

月立女御藤原妍子為中宮妍子藤原道長女紀略是為

批杷中宮大鏡○夏四月立女御藤原城子為皇后紀略城

子藤原濟時女也初城子入宮有寵生敦明親王及批

杷中宮立帝又欲冊城子為后然憚道長不決道長揣

知帝意勸帝立之然實非其意也及冊立之日廷臣無

至者帝大忿恚唯大納言藤原實資中納言藤原隆家

等數人入預朝會小右記時道長以累世權威專朝政廷

臣上下黃緣攀附唯恐不及至是綱紀日弛實資獨侃

然正色無所回避屢發忠憤帝亦倚賴焉小右記大鏡實資

實賴之孫齊敏之子也大鏡○秋七月式部大輔大江匡

衡平年六十一略紀匡衡左京大夫重光之子也大江七

歲始讀書九歲賦詩受學祖維時江吏部集及長博洽冠世

略通識緯小右記然位不稱才仕途沉滯每歎輶軒本朝文粹

○三年春二月禁中火帝徙御松下曹司○三月內藏

寮掃部寮火累代寶器藥物盡焚○夏四月徙御左大

臣藤原道長批杷第○四年秋九月徙御新宮○冬十

月敕左大臣藤原道長行京官除目於直廬儀準攝政

紀略抄○十一月地大震略紀○禁內火徙御批杷第

略紀○十二月歲星經天小右記○五年春正月帝傳位皇

太子略紀帝在位病失明朝會少臨御道長數諷去位帝

不憚時道長專權帝頗不平常慮為其所忌意不自安

小右記至是遂決意脫屣大鏡在位六年改元者一曰長和

皇太子立是為後一條天皇略紀

後一條天皇諱敦成一條帝第二子也母中宮藤原氏

寬弘八年立為皇太子至是受禪時年九歲立三條帝

皇子敦明親王為皇太子左大臣藤原道長攝政○夏

六月徙自上東門院御一條院○冬十一月攝政道長罷

左大臣○寬仁元年春三月以右大臣藤原顯光為左

大臣內大臣藤原公季為右大臣權大納言藤原賴通

為內大臣略紀賴通道長之子也大鏡○攝政道長罷以賴

皇朝史略 卷六 三十二

通攝政班左右大臣上○夏五月三條法皇崩壽三十
 二○秋八月皇太子辨位立敦良親王為皇太弟略紀初
 三條帝之禪位也道長欲立敦良為上儲貳三條帝不
 聽遂立敦明時敦明長帝十四歲長幼失序且其立非
 道長之意及法皇崩在廷臣僚皆畏道長無起居東宮
 者東宮僚屬亦皆懷顧慮不敢供其職門庭寂然可設
 雀羅太子益不樂遂有遜位之志召道長子能信告以
 其意能信往告道長道長大喜即白太后傳詔允其所
 請賜號曰小一條院鏡大封戶仍舊給年官年爵受領吏
 一準上皇大鏡裏書道長既令太子遜位欲慰安其心乃進

女寬子以為其妃鏡大故事立太子必傳壺切劍及敦明
 立有司誓緩竟不傳之人知其不終也左經記大鏡
 外史氏曰甚哉道長之專也既逼三條帝令遜其
 位以擁立其外孫又立敦明為之儲貳以悅三條
 帝之意及一旦升遐陵土未乾又奪其位以立其外
 孫天子拱默以受其制陵替至是可勝歎哉
 ○冬十二月以前攝政道長為太政大臣略紀○二年春
 二月太政大臣道長罷左經記○夏四月徙御新宮○冬
 十月立女御藤原威子為中宮略紀威子道長女也大鏡○
 三年春三月女真賊船五十餘艘寇對馬按本書以女真稱刀伊然

載高麗牒狀云女真未知其稱刀伊以何故中古記載
刀伊陣法與文獻通考女真考同則刀伊為女真無疑
故今 ○夏四月盜火襲芳舍及藍園京師多盜數放火

劫掠救立賞格購索捕之 ○太宰府驛奏女真賊入壹

岐島殺守藤原理忠虜掠人民遂侵筑前怡土郡時藤

原隆家為太宰帥遣前少監大藏種材藤原明範等距

戰遂破之賊徒逃去記小右隆家上諸將士功朝廷賞種

材為壹岐守種材天慶中討藤原純友者對馬守春實

之孫也鏡大初女真寇西邊救符太宰府討之符未至隆

家發管内兵擊而却之奏捷京師公卿會議行賞權大

納言藤原公任中納言藤原行成等曰所下救符雖有

賞募之文而符未到府先既發兵不宜加賞大納言藤

原實資駁曰夫功者雖微必賞所以勸人也昔寬平中

新羅侵對馬島司文室善友不待救符擊走寇賊朝議

便加賞苟有功可錄何問救符不到此而不賞將何

以勸後權大納言藤原齊信亦同其議遂從之記小右 ○

冬十二月以攝政賴通為關白 ○四年春二月聽僧濟

信乘牛車出入宮門聽僧牛車始此紀略左 ○冬閏十

二月太宰府言南蠻賊掠薩摩人詔討之左經 ○治安

元年夏五月左大臣藤原顯光薨 ○秋七月以右大臣

藤原公季為太政大臣關白內大臣賴通為左大臣職

仍舊大納言藤原實資為右大臣權大納言藤原教通

為內大臣紀略教通賴通之弟也○秋七月伊豫守源賴

光卒伊豫守據小右賴光為人英武驍勇冠世善射以

將略稱歷事圓融華山一條三條及帝累官至正四位

上尊卑分脈伊豫守小右長保中為東宮大進侍直時有狐

卧殿上太子命射之賴光一發中之太子感賞賜以寮

馬今昔物語賴光嘗夜過弟賴信宅宴飲適見繫一人於厩

中問彼何人賴信曰鬼同丸者也賴光曰彼固多力何

不嚴其縛賴信乃令繫以鐵鎖鬼同丸聞而怨之爾夜

賴光醉卧賴信家鬼同丸脫鎖逃出潛上藻井將伺便

刺之賴光召從士警衛鬼同丸不得發聞其往鞍馬欲

要之於路乃赴鞍馬至市原殺野牛匿身其間以待之

既而賴光至源綱源綱劍卷公時姓關平定道平季武從定道季武

姓據今昔物語賴光見牛群游令從士射之綱見斃牛射之牛

突然而起俄而鬼同丸跳出揮刃逼賴光賴光挺刀斬

之遂墜其首人服其勇武著聞集○萬壽四年冬十二月

前攝政太政大臣道長薨年六十二紀略道長典樞機三

十餘年女為三朝后子為攝關政柄歸已黜陟任心大鏡

一條已來天子屢幸其第錫賚重疊富過王室帝嘗患

瘡使僧綱祈禳賞絹不足乃取於其第給焉東三條第

嘗罹災課諸國營造取近衛府材木及神泉苑乾臨閣石以充其用小右記尤信佛乘晚年創法成寺於京極擬興福寺其奢僭如此病革徙居法成寺世稱法成寺攝政外戚之盛古今無比云大鏡榮花物語○大納言藤原行成薨略記行成少有雅度一條帝時嘗在殿上與藤原實方論事實方不勝怒直取其冠投之中庭行成神色自若徐召小吏取冠著之帝適隔牖見之知其器度足任擢藏人頭疏斥實方為陸奥守古事談十訓抄○長元元年秋八月前上總介平忠常反于下總殺安房守惟忠姓關遣檢非違使右衛門少尉平直方少志中原成道等討之官

符東海東山二道同討略記○二年春二月彗星見一代○夏六月遣檢非違使搜索平忠常家僮在京師者要記○冬十月太政大臣公季薨贈正一位謚仁義略記是為閑院祖尊卑分脈○三年春正月盜殺女子於豐樂院壇上○安房守藤原光業畏平忠常棄印鑑還京師○夏四月禁諸國吏營宅過制又禁六位已下版築作垣檜皮葺屋略記○秋八月以追討使平直方討忠常無功救甲斐守源賴信率坂東諸國兵討忠常召還直方略記○四年春二月先是耽羅人漂來至是給糧放還小右記○夏四月甲斐守源賴信言平忠常降略記○六月源賴信

以平忠常歸京師忠常病而道死斬首傳于京師略初

賴信至常陸按本書為下賴信為常陸守時事誤今訂之將攻忠常左衛門尉

平惟基諫曰忠常依阻峻隘軍鋒甚銳難可猝攻請俟

兵集而行賴信不聽遂率兵赴下總惟基率騎三千來

會鹿島忠常臨湖列壘壁悉收舟楫按本書湖作海蓋常總之際界以大

湖故記者誤作海耳今訂之賴信至不得濟乃使大中臣成平往諭

以利害忠常不從賴信集眾問攻戰之計咸曰無船何

以濟軍賴信曰如環湖而行則替緩失機賊益固守今

賊恃險不設備如直濟而出其不意則可一鼓而拔不

如急攻之我嘗聞此水有淺處廣一丈許水僅及馬腹

豈軍中有知之者乎有真髮高文者進曰我濟之熟矣

請先渡遂馳入湖令一卒從其所往立葦為標於是全

軍亂流而進忠常果不設備見大眾至不敢距戰惶遽

出降軍士相謂曰吾徒生長此地而知其津渡不過數

人將軍始來而能知之殆非人之所及也今昔物語○九年

春三月帝弗豫○夏四月帝崩壽二十九在位二十一

年改元者四曰寬仁治安萬壽長元皇太弟立是為後

朱雀天皇略紀

後朱雀天皇諱敦良後一條帝母弟也扶桑略記寬仁元年

立為皇太弟長元九年七月即位日本紀略○九月左馬

頭藤原保昌卒保昌右京大夫致忠之子也尊卑分脈為人

驍勇膂力過人精達武藝與甥源賴信等齊名十訓抄保

昌嘗夜微行吹笛時有大盜袴垂者欲劫褫之衣踵行

里許抽刀逼之保昌停笛頷問其名袴垂不覺首服保

昌曰我嘗聞汝名汝亦非碌碌者從吾而來復吹笛徐

行還家取絮衣與之曰乏則復來慎勿作劫今昔物語○長

曆元年秋八月立皇子親仁親王為皇太子○三年夏

六月禁內火帝徙御京極院略記○長久元年夏五月京

師盜賊帶弓箭往來連夜行火又有群僧殺掠行人設

賞捕之春記○秋九月京極院火神鏡罹災帝徙御故正

三位藤原惟憲第略記百鍊抄初天德寬弘時神鏡罹災然

形質不損至是銷止僅收灰燼而已人以為朝廷陵夷

之兆著聞集○冬十月徙御新宮○三年冬十二月禁內

火帝避之太政官朝所○四年春三月徙御一條院○

冬十二月一條院火徙御東三條院○寬德元年冬十

二月帝弗豫○二年春正月大漸傳位皇太子尋崩壽

三十七略記先是帝視除目見大人於四季屏風上驚悸

得疾著聞集帝風度明秀嚴峻有才然關白賴通專權以

故垂拱仰成無所施為世以為憾焉榮花物語神在位

十年改元者三曰長曆長久寬德皇太子立是為後冷

泉天皇抄百練

後冷泉天皇諱親仁後朱雀帝長子也母贈皇太后藤

原氏長曆元年立為皇太子寬德二年四月即位扶桑略記

立尊仁親王為皇太弟皇年代略記初後朱雀帝違豫欲傳

位於帝而立親王為儲貳時賴通以親王非其出不欲

立之賴通弟能信探知其心密白後朱雀帝曰陛下欲

以二宮付何僧帝曰朕將立為東宮但關白言且緩之

故未命耳能信因慙慙之即日冊立使能信傳今鏡愚管抄十

訓抄○冬十二月徙自京極第御太政官朝所○永承元

年春正月右大臣藤原實資薨略記實資資性忠恪不阿

權貴初上東門院入內也道長要一時名輩作和歌以

裝屏風藤原公任為其選首華山法皇亦有御製實資

獨拒不作乃歎曰豈有身為列卿而受大臣命作其屏

風和歌者乎我未之聞也况上皇之尊乎公任身出華

曹職典廷尉當自異常流而阿從之甚何心敢爾道長

使人懇祈竟固辭不作小右記實資少有操行人或姍笑

之實資不以為意益加勉勵嘗移居新宅適失火眾皆

來救實資止之徐駕車而出唯携一笛人服其曠達稱

為賢右府十訓抄其日錄曰小右記本朝書籍目錄○太政官朝

所火帝避之大膳職○夏四月徙自大膳職御內大臣

藤原教通二條第○冬十月徙御新宮○二年秋七月
 以內大臣藤原教通為右大臣略記權大納言藤原賴宗
 為內大臣賴宗道長之子也公卿補任○冬十二月流筑前
 人清原守武於佐渡以私之宋也○三年冬十一月禁
 內火略記徙御京極院百鍊抄○六年春正月小一條院薨
 ○秋七月冷泉院成徙御焉○天喜元年秋七月徙御
 關白賴通賀陽院第○二年春正月賀陽院火徙居冷
 泉院○二月又徙御關白賴通四條第○三年春三月
 左近衛少將藤原忠俊從士挺刃逼御座藏人源齊賴
 捕獲之○四年一條院成徙御焉略記百鍊抄○秋七月彗

星見東方一代要記○八月陸奧土豪安倍賴時作亂命陸

奧守兼鎮守府將軍源賴義討之帝王編年記賴時祖

父忠賴父忠良世居陸奧為東夷酋長至賴時勢益彊

大橫行陸奧劫掠人民部落皆服遂為六郡酋長陸奧語記

今昔物語○六郡謂伊澤加賀江刺稗田志渡岩手西界白河關東抵率土濱衣

川形勝當其中央據險設關名曰衣關跨有海陸資產

豐饒東鑑文不輸貢賦不供徭役國守不能制永承中

守藤原登任發兵討之不克至是朝議以賴義為陸奧

守鎮守府將軍討之扶桑略記賴義賴信之子也系圖○五年

初賴義之討賴時也會有大赦許賴時自新賴時大喜

罷兵賴義任終視事鎮守府賴時贈以駿馬金寶厚賂士卒賴義歸國府路宿阿久利川有久夜斫藤原光貞營殺傷人馬賴義召光貞問宿昔無有取怨耶對曰賴時長子貞任嘗欲聘我妹我賤其門地不許意彼所為也賴義令收貞任賴時怒曰人之在世誰不愛妻子貞任雖不才我豈忍坐視其死乎我衆固足距戰不如閉關俟其來攻也戰若不利闔族並死亦無怨遂閉關復反陸奧話記今昔物語○秋九月賴義與賴時戰賴時中流矢而死○冬十一月賴義率兵千餘擊貞任於河崎柵時方雨雪官軍絕食貞任偵其疲勞擊之官軍大敗死亡殆

盡裁餘六騎賴義長子義家驍勇絕倫騎射如神以大鏃箭射賊軍所中必斃賊兵披靡無敢當者時賊兵二百餘張左右翼圍攻矢下如雨義家連射斃賊帥賊以為神遂解圍而去略記○十二月先是賴義任滿以藤原良經為陸奧守然以賊未平辭不赴任至是以良經為兵部大輔命賴義再任以源齊賴為出羽守共討貞任齊賴遷延無討賊之心於是貞任益猖獗劫掠人民略記陸奧話記○康平元年春二月禁內火延燒大極殿中院朝集堂○二年春正月一條院火帝徙御關白賴通三條第略記是歲盜屢行火皇居百鍊抄○三年夏六月河內言

盜發磯長山田陵記略○秋七月關白賴通罷左大臣以

右大臣藤原教通為左大臣內大臣藤原賴宗為右大

臣權大納言藤原師實為內大臣師實賴通之子也公卿

補任○八月賀陽院成徒御焉○四年冬十二月以關白

賴通為太政大臣職仍舊記略○五年秋九月關白賴通

罷太政大臣補任初後朱雀帝大漸頽命賴通輔帝而欲

以尊仁親王為帝儲貳賴通意不欲之弟能信諷帝立

之以故賴通與東宮不協屏居宇治不預機務今鏡愚

花物語○安倍貞任伏誅先是朝廷以源賴義任滿以高

階經重代之國民素服賴義威名不受經重指揮經重

遂歸京師賴義銳意勦賊遣使諭出羽豪族清原光賴

及弟武則為援至是武則率子弟部下萬餘人來屬兵

勢大振進攻貞任叔父僧良照小松柵拔之貞任率兵

逆戰大敗走保衣川柵賴義進擊又拔之貞任退保鳥

海柵又攻拔之貞任走保厨川柵其地西北大澤二面

阻河岸高三丈餘柵上構譙樓隍中布以鐵蒺藜守備

甚固官軍又圍之貞任發矢石澆沸湯拒守甚力賴義

使士率毀屋填塹芟艸積岸縱火燒之會大風暴起煙

燭漲天樓櫓壘柵一時蕩盡賊軍大亂貞任揮刃出戰

官軍攢梓刺殺之貞任子千世童年十三善戰亦為官

軍所獲貞任弟宗任家任等出降餘黨悉平陸奧○六年春二月賞源賴義及子義家義綱清原武則等功進官爵各有差○三月豐樂院火○興福寺僧靜範發狹城盾列池後陵盜寶物○冬十月流僧靜範于伊豆其黨十六人于諸國○七年春三月伊豫守源賴義以降虜至京師略記百鍊抄賴義東征九年平賊至是凡十一年始歸京師○治曆元年春正月右大臣藤原賴宗罷○二月前右大臣藤原賴宗薨○夏六月以内大臣藤原師實為右大臣權大納言源師房為内大臣師房具平親王之子也略記○三年冬十二月賴通罷關白特勅咨

詢政事補任一○四年夏四月以左大臣藤原教通為關白○帝崩於賀陽院壽四十四在位二十四年改元者四曰永承天喜康平治曆皇太弟立是為後三條天皇略記

皇朝史略卷之六 終

○延久元年春二月勅寬德二年以後新置莊園一切
 罷之○夏四月立貞仁親王為皇太子○秋七月停諸
 國御厨贄後院御贄略記○八月關白教通罷左大臣以
 右大臣藤原師實為左大臣內大臣源師房為右大臣

皇朝史略卷之七

後三條天皇諱尊仁後朱雀帝第二子也母陽明門院
三條帝女寬德二年立為皇太子治曆四年七月即位於太
 政官廳扶桑略記即位用官廳始此一代要記○八月造大極殿
 ○延久元年春二月勅寬德二年以後新置莊園一切
 罷之○夏四月立貞仁親王為皇太子○秋七月停諸
 國御厨贄後院御贄略記○八月關白教通罷左大臣以
 右大臣藤原師實為左大臣內大臣源師房為右大臣

大納言藤原信長為內大臣信長教通之子也公卿補任

冬閏十月始置記錄所於太政官朝所百鍊抄帝久在

儲宮經歷世故雅好文學博通古今及即位總攬權綱

續古事談時權貴多占莊園為民蠹害帝患之至是置記錄

所檢覈虛實愚管抄○二年春二月定絹布制○三月

以關白教通為太政大臣略記○三年秋八月關白教通

罷太政大臣補任○新宮成自高陽院徙御焉○四年夏

四月大極殿成○秋八月定沽價法○九月定斗升法

百鍊抄帝欲審量制命新作器使藏人頭藤原資仲督

之帝親抽簾竹截為之準及成資仲等率藏人出納小

舍人量殿庭沙試之而取穀倉院米量之後世遵用謂

之宣旨升愚管抄東齋隨筆○冬十二月帝不豫讓位皇太子

略記百鍊抄初帝在東宮見藤原氏擅權心甚不平又數緣

事積怨賴通而含忍不發及即位痛抑其權奪之政柄

教通雖居台輔備負而已榮花物語教通嘗作南圓堂

時禁國司再任教通請再任如故帝奮髯震怒曰攝關

之可憚者唯國之外祖而已朕則無所畏峻拒其奏教

通艷然拂衣而起大呼曰藤原氏卿相悉罷春日神威

今日盡矣於是諸藤咸起隨教通而出帝不得已召還

許之續古事談帝躬行節儉御扇用檜柄藍紙炙青魚頭塗

胡椒以充御膳古事一條以來政歸外戚朝憲稍弛帝

剛健嚴明不受牽制勵精圖治紀綱大張榮花物語帝

欲傳位東宮居院決政然去位未幾而崩愚管賴通嘆

曰我邦不幸莫甚於斯大江匡房謂教化被世可比隆

於承和延喜也續往在位五年改元者一曰延久皇太

子立是為白河天皇百鍊

白河天皇諱貞仁後三條帝長子也母贈皇太后藤原

氏延久元年立為皇太子至是受禪立皇弟實仁親王

為皇太弟○五年夏五月後三條法皇崩壽四十扶桑

百鍊抄 ○冬十月宗主附在宋僧成尋贈金字法華經大

藏經及錦二十段百鍊成尋姓藤原本簪紱之曹也事

石藏文慶受密教前年如宗神宗召見延和殿會宗國

大旱神宗敕成尋祈雨於是修法三日雷電閃鳴大雨

如注神宗大喜賜號善慧大師後終于宋元亨○承保

元年春二月前關白太政大臣賴通薨略賴通在職驕

恣過父嘗作高陽院尤極華麗榮花教通營二條第亦

極宏壯賴通不悅謂師實曰大營私宅充塞街衢無乃

踰制乎師實曰固也雖然吾族所為孰敢容議乎賴通

領焉自是競廣第宅互以侈麗相尚古事至是薨世稱

宇治關白榮花○二年秋九月關白前太政大臣教通

皇朝史略 卷七

薨○以左大臣藤原師實為關白○承曆元年春二月
香椎廟火略記百○右大臣源師房薨略記家稱土御門

圖系○四年秋八月以內大臣藤原信長為太政大臣權

大納言藤原俊家為右大臣權大納言藤原能長為內

大臣俊家能長賴宗之子也略記○閏月高麗王遣使求

醫百鍊抄下公卿議之中納言源經信曰高麗王病於我

何與竟不遣經信頴敏遇事能斷有人射狐於叢祠中

祠以狐為神廷議將處之法經信謂曰白龍魚服見困

豫且由是其人得免罪續古事談○九月宋商孫忠來宋主

付忠贈錦綺廷議不報百鍊抄○永保元年夏六月先是

延曆寺僧與園城寺構怨至是延曆寺僧數千入園城

寺燒堂舍房宇○秋九月園城寺僧可三百乘夜攻延

曆寺延曆寺僧擊殲之○敕遣檢非違使及前下野守

源義家於園城寺逮捕凶徒既而延曆寺僧徒復燒園

城寺僧舍蕩盡○二年秋七月大內火延及神嘉殿帝

徙御六條宮略記百鍊抄○冬十月右大臣藤原俊家薨○

十一月內大臣兼皇太弟傅藤原能長薨略記○前伊豫

守源賴義卒年八十八系圖○附宋商孫忠報牒于宋初

朝議不宜報宋牒百鍊抄至是定議報之經信記○十二月

以大納言源俊房為右大臣俊房師房之子也○三年

皇朝史略

春正月以右大臣源俊房為左大臣權大納言源顯房
 為右大臣權大納言藤原師通為內大臣顯房俊房之
 弟師通師實之子也○富士山焚略記○應德元年春二
 月帝徙御三條宮○二年秋七月京師民每街建小祠
 榜曰福德神或曰長福神貴賤競集置酒縱飲救檢非
 違使毀之百鍊抄○冬十一月皇太弟薨○三年秋七月
 造離宮於鳥羽自卿相近臣下至胥吏賜宅地課天下
 徭役穿池築山宏敞鉅麗究極工巧略記○冬十月參議
 藤原通俊上後拾遺和歌集本書○十一月立善仁親
 王為皇太子即日傳位略記百鍊抄帝器度弘大剛決果斷

政出宸衷相門斂手頗有後三條之風中右記遜位之
 後聽政院中四十餘年大臣備負天子垂拱仰成而已
 凡以院宣號令天下置別當北面始此天下之形勢至
 此一變矣中右記篤信佛法前後四幸高野八幸熊野
畧記百鍊抄慶佛像建佛塔不可勝數嚴禁天下殺生屢事
 營造國用窘窮國司遷替頗乖舊典定任者三十餘國
 上萬石萬匹者輒得為國司至有父子三四人同時並
 任童稚者亦得任焉是時競尚華麗如賤女子亦被文
 繡侈靡之風至此而極矣中右記在位十五年改元者四
 曰承保承曆永保應德皇太子立是為堀河天皇

堀河天皇諱善仁白河帝第三子也母中宮藤原氏應

德三年十一月立為皇太子即日受禪於堀河院時年

八歲以關白師實攝政尊白河帝曰太上天皇扶桑略記

寬治元年冬十二月陸奧守源義家平清原武衡中右記百

鍊抄○按後三年軍記元年為五年今從本書初清原武則以討安倍貞任功

拜鎮守府將軍略記生武貞武衡武貞稱荒川太郎領陸

奧膽澤加賀江刺禰田志波岩手等六郡後三年軍記東鑑文治五年

年長子真衡相繼領馬貞任之敗武貞納藤原經清妻

生家衡經清子清衡亦從母養於武貞後三年軍記經清者

秀鄉之裔為陸奧權守系圖以安倍賴時女婿黨賊見誅

陸奧語記真衡藉父祖餘業勢益彊盛其族皆臣事之真衡

無子養平安忠子成衡為嗣稱海道小太郎後三年軍記系圖

真衡為成衡聘源賴義女使親族饋飲食金帛以饗之

真衡姑夫吉彦秀武至自出羽多齋酒饌奉之真衡方

圍碁不禮秀武秀武怒投金帛趨出徑歸出羽真衡大

怒率眾徃攻之秀武慮眾寡不敵遣使說清衡家衡罷

真衡堡塞清衡等從之乃率兵罷之燒膽澤郡民家四

百餘區真衡聞而大驚急馳還清衡家衡亦引兵而還

及義家為陸奧守赴出羽圍家衡不利而還家衡叔父

武衡聞義家敗起兵應家衡乃協議據金澤柵義家聞

皇朝史略 卷七

武衡來援大怒至是自將兵數萬攻之會弟義光自京師來義家大喜分兵與之戮力攻柵柵中固守矢石兩下死傷甚眾久之不拔吉彥秀武說義家以曠日持久之計義家從之乃合長圍按後三年之亂起于秀武清屬義家攻家衡尤為可疑蓋中間必有背家衡事而本書缺脫今不可攷姑從本書以存疑云既而柵中食乏武衡因義光請降義家不聽武衡家衡燒柵夜遁義家追擊之獲武衡家衡斬之梟其黨四十八人首與羽悉平後三年軍記清衡龍領武貞故地六郡東鑑文治五年為陸奧押領使系圖初義家從賴義東征平賊而還嘗詣關白賴通談征戰事時大江匡房在坐聞之既而匡房退

出私言渠有將才惜未知兵法義家從者竊聽而恚待義家出而告之義家曰此必有故追及謹請遂執弟子禮及征武衡方攻金澤城見飛雁亂行曰是江帥所教必當有伏分兵圍之果有伏遂擊敗之著聞集○二年冬十一月太政大臣信長罷○十二月以攝政師實為太政大臣職仍舊記略○三年夏四月師實罷太政大臣中右記○四年冬十二月師實罷攝政為關白○五年夏六月先是源義家與弟義綱有隙將鬪至是朝廷詔諸國禁其兵士入京師事遂寢百鍊抄○七年秋八月先是延曆寺僧徒數千逐座主良真至是良真率兵數百毀東

塔房舍將及西塔橫川僧徒擊走之遂毀良真房舍焚
 坂下民家八十餘戶記略○嘉保元年春三月關白師實
 罷以內大臣藤原師通為關白○秋九月前太政大臣
 信長右大臣源顯房並薨記中右○二年冬十月延曆寺
 僧徒奉日吉神輿詣闕訴美濃守源義綱殺其徒中務
 丞源賴治距之射殺神人僧徒棄神輿而走記盛衰○永
 長元年秋七月帝觀田樂古事談自是朝野田樂大行衣
 以錦繡飭以金銀群臣務制奇服以相誇尚郁芳門院
 尤好之無幾而崩識者以為凶徵朝野群載○康和元年春
 正月以仁和寺覺行為親王皇子為僧拜法親王始此

仁和寺御傳諸門跡譜

○夏六月關白內大臣師通薨百鍊抄師通

博學多通兼工篆隸絲竹好賢愛士進文學之士黜勢

利之徒嘉保永長間天下肅然世稱後二條關白外記

時白河法皇遜位仍親政事百司常闐門師通歎曰豈

有禪位之君而群臣立車於門者乎及薨法皇益無忌

憚時人歎惜焉鏡今○二年夏六月大內成徒御焉百鍊抄

○秋七月權大納言藤原忠實為右大臣權大納言源

雅實為內大臣大府記忠實師通之子雅實顯房之子也

公卿補任○三年春二月前關白太政大臣師實薨百鍊抄世

稱後宇治系圖○秋七月前對馬守源義親劫掠鎮西敕

討之義親義家之子也○冬十月流義親于隱岐○五年秋八月立宗仁親王為皇太子○長治二年冬十二月以右大臣藤原忠實為關白○嘉承二年秋七月帝崩于堀河院壽二十九抄百鍊帝臨御日久而天下之事皆決於法皇不能總攬乾綱鏡今然留心政事諸司奏案夜必覆視有可疑者御批再令商議續古常謂左右曰普天之下皆王民也遠民何疎近民何親一人之耳不得周聞四海之事是大患也卿等有聞告而勿隱盛衰在朝帝以為得人不愧於古也鏡今在位二十二年改元

者七曰寬治嘉保永長承德康和長治嘉承皇太子立是為鳥羽天皇抄百鍊

鳥羽天皇諱宗仁堀河帝長子也母贈皇太后藤原氏

康和五年立為皇太子至是踐阼時年五歲以關白忠

實攝政抄百鍊○冬十二月隱岐流人源義親逃至出雲

殺目代掠官物敕因幡守平正盛討之中右○天仁元

年春正月正盛函義親首入京師○夏四月延曆寺僧

徒數千擐甲奉日吉神輿入京師敕遣檢非違使禦之

抄百鍊○秋八月前鎮守府將軍源義家卒年六十八義

家小字源太初賴義夢八幡神賜劍覺而異之既而其

妻有身生義家年甫八歲加元服於石清水社因號八幡太郎系圖閨中抄小義家每出唯使一小冠者持太刀耳嘗詣右大臣藤原賴宗第圍碁會有人挺刀突入走過南庭義家乃抗聲曰義家在斯不聽而過義家急呼從者使止之從者呼曰八幡殿在何不止其人投刀就縛俄而從兵數十人來集遂拘而去人以其有備益畏之十訓抄古事談初與州之役義家每射甲士皆應弦而斃清原武則欲試其弓力疊堅甲三領挂之樹枝請義家射之義家一發洞貫武則大驚曰神也非人之所能矣扶桑略記○二年春二月盜殺左衛門尉源義忠廷議

以為源義明所為使檢非違使源重時討之義明戰死義明父義綱寃之走據近江甲賀山而反敕使源為義討之義綱降流之佐渡百鍊抄為義以功為左兵衛尉抄為義義親之子祖義家子養之系圖○天永二年冬十一月權中納言大江匡房薨年七十一匡房歷事後三條白河堀河及帝四朝公卿補任以博識稱十訓抄自音人至匡房八世繼業為三朝帝師及薨人咸悼惜焉中記白河帝嘗謂左右曰吾文王也替古文才不必躬親獨擢用匡房豈非尚文耶古事談嘉保中為太宰權帥世稱江帥中右記及歸所得雜賄密識其貨當受與不分載

二船既而覆沒一艘非理貨船無事而至匡房歎曰世已澆季神亦無靈著聞集○三年冬十一月攝政忠實罷右大臣○十二月以攝政忠實為太政大臣職仍舊中右記○永久元年夏四月延曆寺僧徒二千餘毀清水寺堂宇奉祇園北野神興詣大炊殿訴興福寺僧陵辱祇園神人使檢非違使源光國平正盛左衛門尉源為義率兵距之法皇諭僧徒還山長秋記自是二寺構怨將相攻京師繹騷敕二寺和解之僧徒不奉詔中右記○攝政忠實罷太政大臣補任○興福寺僧徒數千將攻延曆寺遣檢非違使平正盛及子忠盛等於宇治逆戰于栗

子山破走之

中右記外

○冬十二月忠實罷攝政為關

白○權大納言源俊明薨

補任

俊明為人鯁直有操守嘗

造佛像陸奧押領使藤原清衡遺沙金以資之俊明卻

而不受或問其故俊明曰清衡割據東陸若圖不軌當

與追討之議是我所辭也

古事談十訓抄

俊明隆國之

子也

補任

○二年秋七月院宣延曆寺禁僧徒帶兵仗○

是歲京師多盜公行劫掠南海道海寇剽掠貢調都鄙

騷擾

中右記

○三年夏四月以内大臣源雅實為右大臣

大納言藤原忠通為内大臣忠通忠實之子也

補任

○四

年秋七月下新制七條

朝野群載

○元永元年春正月立女

御藤原璋子為中宮中右記璋子大納言公實女圖法皇

取養於宮中遂私焉已而配帝生崇德帝帝以為非已

子以故不慈古事談

外史氏曰白河帝不以禮義律其身而帷簿不修

君德有闕遂使鳥羽帝不慈其子而崇德帝不

孝其父三綱墜而五倫廢保元之亂已胚胎于此禍

及數世而不已至使天下生靈肝腦塗地何其慘也

嗚呼後之人君可不戒哉

○保安元年冬十一月法皇罷關白忠實內覽文書初

法皇敕忠實納其女泰子於宮中忠實固辭法皇大怒

養璋子以納之至是法皇幸熊野帝敕忠實納泰子裝

匿已備法皇聞而大怒誚責忠實罷內覽忠實退居宇

治杜門不出愚管抄○二年春正月復關白忠實內覽文

書左大臣源俊房罷○關白忠實罷敕內大臣藤原忠

通內覽文書○三月以忠通為關白補任○夏閏五月延

曆寺僧徒燒園城寺堂宇蕩盡百鍊抄○冬十一月前左

大臣源俊房薨一代要記俊房練達政事自祖具平三世相

繼有文才兼能書殿門榜多其所書今鏡後拾遺○三年

秋七月大學寮孔廟壞百鍊抄○冬十二月以右大臣源

雅實為太政大臣補任源氏拜是官始此職原抄關白內大

臣忠通為左大臣大納言藤原家忠為右大臣權大納言源有仁為內大臣家忠師實之子有仁輔仁親王子也補任○四年春正月立顯仁親王為皇太子即日傳位抄百鍊帝通天文精音律涉覽古記博通典故記台好修容儀時源有仁亦好修飾一時化風凡朝服有稜鳥帽有額皆始于此時正統記遜位之後聽政院中二十八年保元物語帝好色多內嬖記台前後有三女院美福門院最被寵幸保元之亂實始于此矣保元物語在位十七年改元者五曰天仁天永永久元永保安皇太子立是為崇德天皇

崇德天皇諱顯仁鳥羽帝長子也母待賢門院保安四年正月立為皇太子即日受禪時年五歲抄百鍊以關白左大臣忠通攝政尊鳥羽帝曰太上天皇一代要記○天治元年秋七月太政大臣雅實罷○大治二年春二月前大政大臣雅實薨公卿補任○秋八月釋奠用素饌抄百鍊○是歲前木工頭源俊賴上金葉和歌集先是法皇救俊賴撰之至是成抄拾芥俊賴經信之子系圖善和歌造語新奇體製溫雅一時士人推為宗師今鏡鴨長無名抄○三年冬十二月以攝政左大臣忠通為太政大臣職仍舊補任○四年春三月山陽南海二道海賊起法皇救備前守平

忠盛捕之朝野群載○夏四月攝政忠通罷太政大臣○六

月忠通罷攝政為關白補任○白河法皇崩壽七十七中右

鍊抄百記自是後上皇專理萬機一效法皇今鏡保元物語○五年

冬十一月有男子稱源義親入京上皇處之前太政大

臣忠實鴨院カモノノ真偽未決檢非違使源光信以私怨發兵

擊殺之及其從者流光信及其黨奪其弟右兵衛尉光

保官中右記百鍊抄○天承元年冬十二月以右大臣藤原家

忠為左大臣內大臣源有仁為右大臣大納言藤原宗

忠為內大臣宗忠大納言宗俊之子也補任○長承元年

秋九月上皇定新制十四條○保延元年夏四月敕備

前守平忠盛討西國海賊○秋八月忠盛獲海賊三十

餘人入京中右記百鍊抄○二年夏五月左大臣藤原家忠罷

尋薨家稱花山院○冬十二月以右大臣源有仁為左

大臣內大臣藤原宗忠為右大臣權大納言藤原賴長

為內大臣賴長忠實之子也○四年春二月右大臣藤

原宗忠罷補任○三月京師大火○五年秋八月立皇弟

體仁親王為皇太子百鍊抄上皇既遜位納關白忠實女

有寵尊為皇后最後納中納言藤原長實女尤見寵幸

是為美福門院生體仁上皇鍾愛之生僅三月遂立為

帝太子鏡今○永治元年春三月上皇薙髮百鍊抄○夏四

月前右大臣藤原宗忠薨補任○冬十二月帝禪位于皇
 太弟抄百鍊帝雅無去位之志法皇欲立美福門院所生
 故速禪位帝以為詔書宜稱皇太子既而稱皇太弟帝
 駭曰明日審議當否法皇不聽帝奉書法皇中使相踵
 薄暮始傳劍璽鏡今自是二宮不相協保元物語在位十九年
 改元者六曰天治大治天承長承保延永治皇太弟立
 是為近衛天皇
 近衛天皇諱體仁鳥羽帝第八子也母美福門院保延
 五年立為皇太子至是受禪時年三歲抄百鍊以關白忠
 通攝政尊崇德帝曰太上天皇一代要記○康治元年春三

抄月園城寺僧徒燒延曆寺堂房延曆寺僧徒擊却之百鍊
 ○久安三年春正月左大臣源有仁罷尋薨公卿補任有
 仁能詩歌通音律好修容儀衣冠裁製為之一變世稱
 花園左大臣鏡今○四年夏六月禁內火抄百鍊○五年秋
 七月以內大臣藤原賴長為左大臣大納言藤原實行
 為右大臣大納言源雅定為內大臣實行大納言公實
 之子雅定雅實之子也○冬十月以攝政忠通復為太
 政大臣職仍舊○六年春三月攝政忠通罷太政大臣
 ○秋八月以右大臣藤原實行為太政大臣內大臣源
 雅定為右大臣大納言藤原實能為內大臣實能實行

皇朝通志 卷之六

之弟也○冬十二月忠通罷攝政為關白補任○仁平元

年春正月左大臣藤原賴長內覽太政官文書台記賴長

常與兄忠通不相能兄弟相軋猜忌日甚忠實素愛賴

長疏忠通遂奪其所授朱器臺盤以授賴長為氏長者

至是又奪其職授賴長愚管抄賴長博學多識常以經濟

自許忠通工歌詩善書賴長非之曰是小技非經濟之

學也保元物語及為氏長者益忌忠通不復相通愚管抄○三

年春正月刑部卿平忠盛卒忠盛貞盛六世孫也累世

以武著忠盛歷事白河堀河鳥羽崇德及帝五朝叙正

四位下歷播磨備前伊勢但馬等守至刑部卿系圖刑部卿據

記盛衰初白河上皇有寵姬造宮於祇園祠東南處之世

稱祇園女御上皇嘗微服潛幸焉忠盛以北面從之會

雨夜闇路有如夜叉者頭髮穆穆如束銀針口吐火光

忽明忽滅上皇見而怪之從者皆畏怖不敢進上皇使

忠盛捉之忠盛徑前抱之乃一老僧也將點火於祠首

戴麥稗手火器行且吹火衆始知其非鬼物上皇大稱

其勇忠盛為人眇一目故人譏之曰伊勢瓶子酢甕也

平家物語源平盛衰記○按○久壽元年夏五月右大

臣源雅定罷補任○二年秋七月帝崩壽十七在位十五

年改元者五曰康治天養久安仁平久壽百鍊抄法皇議

皇朝通志 卷之六 十六

立雅仁親王是為後白河天皇愚管抄

後白河天皇諱雅仁鳥羽帝第四子崇德帝母弟也久

壽二年近衛帝崩無嗣上皇以為重仁親王當承統重

仁上皇第一子也眾亦屬意美福門院謂上皇呪詛近

衛帝故不欲立重仁乃勸法皇立帝關白忠通亦慫恿

之遂立帝時稱四宮微而無聞至是朝野愕然愚管抄

語○九月以皇子守仁為親王即日立為皇太子百鍊抄

守仁幼失恃為美福門院所鞠故美福門院勸帝立之

今○保元元年秋七月鳥羽法皇崩壽五十四百鍊抄時

上皇入臨及門右衛門權佐藤原惟方稱遺詔拒而不

納上皇大恚而還古事談謂左大臣藤原賴長曰以古

揆今孝德有皇子而承統者天智也淳和有皇子而嗣

位者仁明也華山先於一條三條先於後朱雀朕雖不

德先帝之長子位忝萬乘尊居上皇皇統所繫非重仁

而誰先帝捨之立匪文匪武之小子父子懷憂朝野失

望朕欲乘此機而舉大事公意何如賴長贊成其事謀

頗外泄帝使下野守源義朝收少監物藤原光貞等於

東三條殿鞠之時上皇召兵道路騷擾敕義朝及檢非

違使源義康警衛禁內遣檢非違使平基盛源季實平

維繁等于近畿諸路捕兵士齎甲入京者先是上皇在

鳥羽宮法皇崩七日修法會於田中殿上皇不臨至是將出宮參議藤原教長諫之不聽託言齋院行啓入居白河前齋院第又移御北殿保元物語帝使平信兼要賴長於櫃川愚管抄賴長間行赴白河帝告急美福門院美福召源義朝父前檢非違使為義為義辭曰上以臣義家之後為知兵者耶臣之壯猶不如人今老矣無能為也嚮祈男山神告凶又家藏名甲夢為疾風所飄臣意不樂教長曰夢固難信且君為武將拘忌至是我不敢奏宜親至宮辭之為義言屈率子賴賢賴仲為成為朝等

詣白河殿陳策曰臣所率特寡拒敵於此非計也非據宇治撤橋則背甲賀山待坂東兵兵若不至則乘輿幸關東耳賴長不從上皇使平忠正源賴憲為義為朝平家弘分守四門賴長議戰略為朝進曰臣久在鎮西屢履行陣利在襲不備臣請今夜襲高松殿縱火三面要之一方縱兄義朝善戰臣一射斃之若平清盛等孱弱直以鎧袖披拂耳乃取鳳輦徙此地奉陛下於禁內則東方未明事已定矣辭氣慷慨無所回避賴長曰兩帝爭國豈可輕易舉事哉嚮召興福寺僧徒料應黎明來赴宜待其至而後戰為朝退曰阿兄曉兵機今夜必來

襲吾屬為虜耳奚暇明日用吉野法師與寧樂大眾哉
外史氏曰古人有言先人有奪人之心當是時也使
賴長用為朝之策未必不得志而賴長不從平治之
亂源義平勸藤原信賴要平清盛於安倍野義平之
之言固為奇策使信賴用之亦未必不得志而信賴
不從賴長信賴剛愎自用坐失機會欲不敗得乎雖
然彼二子者皆悖逆之臣禍敗自取何足道哉
帝果使義朝清盛乘夜攻白河殿兵勢甚盛為朝等距
戰不決義朝縱火攻之會西風揚沙煙爛漲天諸將不
能距平家弘子光弘馳入殿門呼曰火勢甚熾我軍不

可復支乘輿當速出宮上皇倉黃上馬而不勝騎藏人
平信實重騎扶掖賴長中流矢而薨上皇至如意山為
義忠正家弘光弘等從焉山路嶮艱下馬徒步委頓不
能進上皇謂從者曰既敗自取汝輩無罪當速出降朕
疲困不得復行追兵至乞降耳眾固請從上皇曰汝輩
不去祇為朕累諸將嗚咽而去唯家弘光弘不肯去扶
掖下谷昏暮家弘父子遮負上皇至京師無敢舍匿者
夜深入智足院僧房進湯粥翌日薙髮至仁和寺覺性
法親王不內以狀聞帝遣式部丞源重成衛之尋徙于
讚岐重成防護過鳥羽欲拜陵重成不奉命帝用信西

皇朝史略 卷九
謀陽定叛人竄流叛徒以為免死教長以下多祝髮為僧為義忠正亦出降忠正者清盛叔父也清盛以為我殺之則義朝勢當殺父遂誅忠正義朝固丐宥父死帝怒曰清盛已誅忠正而義朝何得不誅為義哉義朝遂使鎌田正清行刑又斬家弘已下子弟黨與七十餘人弘仁誅藤原仲成後朝臣不處死刑三百四十餘年至是廷議以為死刑久廢不當行之涼闇信西竊奏曰非悉誅之恐生後患故子弟黨與一無宥赦時以為濫刑詔遣左史生中原師信于南都發驗賴長墓詔僧觀曉使重仁親王剃髮又詔遠流賴長子兼長師長隆長已

下十三人惟前關白忠實以忠通保護獲免初上皇屢夢復祚每夢必禱焉至是帝遣人檢上皇東洞院書庫有一匣封滕甚密發視之盡記夢也保元物語賴長亦素信夢嘗得吉夢意竊自負焉記台竟以取禍外史氏曰夢之為祥也自古有之故周禮置占夢之官以占吉凶然則夢果可信邪 崇德曰之以致播遷賴長曰之以亡其身夢果不可信邪 神武曰之以平羣兇 垂仁曰之以得天下然則夢果可信邪 請嘗論之夫夢者想之所生吉凶禍福未嘗不係於其心之邪正也故心得其正則雖凶夢未必不吉况

其吉者乎心不得其正則雖吉夢未必不凶况其凶者乎此吉凶禍福之所以異也若崇德賴長之夢則平日之所思念隨而夢焉安得為吉兆乎而君臣特此以興無名之師宜其取禍敗也

○秋九月以内大臣藤原實能為左大臣大納言藤原宗輔為右大臣大納言藤原伊通為内大臣宗輔宗忠之弟伊通宗通之子也補任○冬十月復置記錄所參決庶務○是歲救五畿七道造大内今鏡平治物語○二年夏五月左大臣藤原實能罷○秋八月太政大臣實行罷右大臣藤原宗輔為太政大臣内大臣藤原伊通為左大

臣權大納言藤原基實為右大臣權大納言藤原公教為内大臣基實忠通之子公教實行之子也○九月前左大臣藤原實能薨稱德大寺補任○冬十月大内成徙御馬鏡今白河以後大内圯壞朝儀廢闕鳥羽帝時關白忠通請繕治鳥羽帝慮致勞擾不許至是信西用事奏帝修治之於是信西日夜計畫布算外聞愚管抄殿堂門廡諸司八省踰年而成又置記錄所復内宴皆其所建白也信西名通憲文章博士藤原實兼之子也博學宏才練達事務歷事鳥羽崇德近衛三朝任少納言雜髮稱信西其妻以帝乳母帝特親信之平治物語○三年春正

月復內宴○夏六月觀相撲保安以後相撲節廢而不
 行至是復之○秋八月帝禪位於皇太子在位四年改
 元者一曰保元抄百鍊去位之後聽政院中如白河鳥羽
 二帝凡三十餘年正統記然帝性昏闇叛臣在側恬不之
 省玉海以故亂逆相踵武臣跋扈王室日昇無復綱維云
 平治物語愚管抄皇太子立是為二條天皇

二條天皇諱守仁後白河帝長子也母贈皇后藤原氏
 久壽二年立為皇太子至是受禪抄百鍊關白忠通罷以
 右大臣藤原基實為關白公卿補任尊後白河帝曰太上天
 皇帝王編年記○平治元年冬十二月權中納言藤原信賴

左馬頭源義朝舉兵反左衛門佐平重盛擊破之丁丑
 信賴伏誅初信賴為上皇所寵稍預政請任近衛大將
 上皇將許之信西諫曰大將重任也自非華胄不敢輕
 授若信賴任之恐取禍敗願少留聖思上皇不悅信西
 退乃圖唐安祿山事上之上皇未寤信賴聞之稱疾不
 朝時大宰大貳平清盛結姻信西勢位稍踰義朝以故
 義朝意懷不平居常鞅鞅信賴知之深自結納又與權
 大納言藤原經宗右近衛中將藤原成親檢非違使別
 當藤原惟方等陰相結欲乘隙而發會清盛如熊野信
 賴遂與義朝等率兵夜圍上皇於三條殿縱火燒宮殺

傷甚多幽上皇於一本御書所遷帝於黑戶御所自爲
大臣大將以義朝爲播磨守是日白虹貫日信西素善
天文推步入奏天變會上皇宴游不得面陳密告宮女
而出直走南都踰信樂山又見星變謂我不免乃穴地
自瘞用竹筒通氣息信賴遣前出雲守源光保索而獲
之斬首梟京師時義朝子義平勸信賴要清盛於安部
野信賴不從既而清盛聞變自熊野還竊遣非藏人藤
原尹明於大內爲奉迎謀時經宗惟方亦悔黨賊勸帝
出宮帝著宮人服駕車出藻壁門遂幸六波羅上皇亦
變服騎馬幸仁和寺帝使清盛及子重盛討信賴義朝

大敗之義朝東走信賴潛至仁和寺求哀上皇上皇爲
手書請宥其死帝不聽命斬之悉捕其黨褫反黨七十
餘人官職賞清盛重盛功授官進位有差自是清盛威
權稍熾初信賴之幽帝也矯詔召羣卿左衛門督藤原
光賴束帶而朝時信賴列羣卿之上光賴謂參議藤原
長方曰今日朝班何無位次直前坐信賴上信賴畏怖
色沮光賴厲色曰聞今日有旨召諸卿所議何事一座
皆不能對信賴竟不出一言光賴乃振衣而起召弟惟
方責其黨賊惟方悔悟與經宗等謀奉帝潛幸六波羅
官軍得展力者光賴與有功焉○永曆元年春正月源

義朝伏誅初義朝敗走東至尾張投長田莊司平忠致家忠致待之甚厚義朝欲赴關東忠宗固留曰適值歲首請過三日而發義朝從之忠致與其子景宗密謀殺義朝及三日夕為具湯浴伏壯士三人於浴室伺間刺之時義朝從士金玉執刀侍側以故不得發義朝求浴夜久之不進金玉自往取之壯士遂入刺殺之送首京師梟之左獄義朝從士鎌田政家忠致女壻也從義朝在其家亦為忠致所殺平治物語○立太皇太后藤原氏為皇后后大納言公能女為近衛帝后帝聞其美納之群臣皆以為不可上皇亦數為言帝不聽至是遂冊立之

時人謂之二代后今鏡盛○三月流權大納言藤原經

宗於阿波參議檢非違使別當藤原惟方於長門愚管抄

衰經宗帝之舅惟方帝乳母之子也乳母子據平治物語以故二

人恃勢弄權嘗曰上當親政事不宜使上皇知焉上皇

素惡二人聞之大怒命平清盛曰彼二人間朕父子汝

為朕誅之清盛收之將寘死前關白忠通請減死遂流

之愚管抄由是二宮不協上皇所欲帝每反之時論譏焉

盛衰○流源義朝子賴朝於伊豆帝王編平治之亂賴

朝與兄義平朝長隨義朝而東走路遇大雪與義朝相

失為尾張守平賴盛家人平宗清所執送六波羅清盛

命囚之宗清家宗清待之甚厚密白清盛繼母池尼曰
囚人容止似故右馬助右馬助者池尼所生早亡故尼
聞而憫傷宗清謂賴朝曰郎君欲免吾為請之賴朝曰
父兄皆凶矣冀為僧以修真福耳宗清復見池尼告以
賴朝之意尼使重盛乞之清盛不甯尼泣曰我為之寢
食失常命亦不久汝能為我請之重盛與賴盛復請之
清盛不得已舍之遂竄伊豆蛭島清盛使伊東祐親北
條時政監之義朝舊臣聞其免死皆勸為僧獨纈纈盛
安耳語曰郎君得脫神之所祐也可全形以待時變賴
朝領之及發士庶聚觀曰之子風彩非常處之遠地何

異放虎哉及後賴朝得志召盛安授以食邑每日吾首
不斷池尼之恩吾髮不鬻者盛安之忠也平治物語○秋七
月內大臣藤原公教薨太政大臣宗輔罷○八月以左
大臣藤原伊通為太政大臣關白右大臣藤原基實為
左大臣職仍舊權大納言藤原公能為右大臣權大納
言藤原基房為內大臣公能實能之子基房忠通之子
也補任時綱紀漸弛舊章日廢伊通深憂之為意見一篇
上之其略曰聖主不棄人取其所長猶良工選材曲者
輪之直者轅之夫如是故世無遺才又曰治平已久上
下安逸若反側之徒乘時生心其禍難測臣聞嵯峨帝

引坂上田村麻呂將近衛逆徒落膽小一條院舉源賴
義白河帝召平忠盛侍衛禁內皆所以備豫不虞也近
世宿衛無人雖藏人在安臥旁室召而無應者非所以
重聖躬也又曰帝王之學非謂善詩賦要知治體也君
學之以使臣臣學之以事君則天下自治若徒工詩賦
不達事情者無益國家世當有經濟之才請選而用之
凡人臣專為身謀而不通世務者朝廷之罪人也其言
皆切事務伊通○應保元年秋八月右大臣藤原公能
薨稱大炊御門意見○九月以內大臣藤原基房為右大臣
大納言藤原宗能為內大臣宗能宗忠之子也十二年

春正月前太政大臣宗輔薨○三月召還流人藤原經
宗○夏五月前右大臣源雅定薨雅定久安中拜內大
臣時藤原實行拜右大臣或往賀之車騎闐門士女操
作陳設甚盛良久實行出見喜動顏色次詣雅定門庭
聞寂不見賀者俄頃雅定出接第曰大臣之職繁劇可
厭何賀之有人服其偉度今鏡久安中據公卿補任○六月前太政
大臣忠實薨○秋七月前太政大臣實行薨○長寬二
年春二月前關白太政大臣忠通薨世稱法性寺補忠
通性謹厚喜愠不形于色工詩歌尤能書嘗有乞寺榜
者忠通書與之既而聞陸奧押領使藤原基衡所求大

怒使人奪取之今鏡晚年書法精妙自成一家世稱法性寺抄井蛙○秋八月崇德法皇崩于讚岐壽四十六世稱讚岐院抄百鍊初法皇抵讚岐松山造宮直島後徙志度鼓岡窮居僻遠居常無繆刺血書五部大乘經三年而成送之覺性法親王請藏安樂壽院親王為奏請上皇不許法皇大恚曰朕為懺悔親書佛經特修真福非為今生而不許藏之非但今生之仇實為地下之怨乃齧舌出血每軸書曰願為大魔王惱亂天下以五部大乘經迴向惡道自是不復削髮剪爪褐衣長巾顙頰瞋目慘悴骨立至是崩自後亂逆相踵世以為其祟敕建

廟春日河原

保元物語 盛衰記

曰粟田宮每歲奉祀焉

編年記

○

冬閏十月關白基實罷左大臣內大臣藤原宗能罷以右大臣藤原基房為左大臣權大納言藤原經宗為右大臣權大納言藤原兼實為內大臣兼實基房之弟也○永萬元年春二月太政大臣伊通罷尋薨補任稱大宮大相國系圖○夏六月帝不豫大漸立皇子順仁親王為皇太子即日禪位百鍊抄抄愚管抄在位八年改元者五曰平治永曆應保長寬永萬皇太子立是為六條天皇抄百鍊六條天皇諱順仁二條帝第二子也抄百鍊母伊岐氏抄百鍊錄至是立為皇太子即日受禪抄百鍊以關白基實攝政

皇朝通志

公卿尊二條帝曰太上天皇顯廣王記○秋七月新院崩壽

二十三抄百鍊新院之葬也諸寺咸會興福延曆二寺爭

班構兵京師訛言上皇令僧徒討平清盛清盛子弟會

六波羅聚兵自衛上皇幸清盛第親諭之清盛稱疾不

見上皇還宮謂侍臣曰浮言一出京師騷擾未審為此

言者誰也西光進曰天不言令民言之驕而無禮者天

之所惡平氏其亡乎侍坐者皆籍默而罷盛衰記○仁安

元年春三月召還流人藤原惟方抄百鍊○秋七月攝政

基實薨補任是為近衛之祖系圖以左大臣藤原基房攝政

補任○冬十月立憲仁親王為皇太子抄百鍊憲仁於帝為

叔父帝年三歲而太子六歲昭穆失序朝野譏焉盛衰記

○十一月攝政基房罷左大臣以右大臣藤原經宗為

左大臣內大臣藤原兼實為右大臣權大納言平清盛

為內大臣○二年春二月以平清盛為太政大臣大納

言藤原忠雅為內大臣忠雅家忠之孫也○夏五月太

政大臣清盛罷補任○三年春二月帝讓位皇太子抄百鍊

稱新院時年五歲未冠之上皇自古無有○是春清盛

因疾薨髮更號淨海世稱大政入道盛衰記帝在位四年

改元者一曰仁安皇太子立是為高倉天皇抄百鍊

